



Broj/Број: 01/2a-50-1-2-49/09
Sarajevo/Сарајево, 17. 8. 2009.

ZAPISNIK

49. sjednice Komisije za vanjske poslove Predstavničkog doma Parlamentarne skupštine BiH, održane 21. 7. 2009.

Sjednica Komisije počela je u 9,30 sati. Sjednici su prisustvovali: Slavko Matić, Milica Marković, Milorad Živković, Husein Nanić, Azra Alajbegović i Denis Bećirović.

Osim članova Komisije, sjednici su prisustvovali: Sead Avdić iz Ministarstva vanjskih poslova BiH, Emir Mehmedović iz Ministarstva pravde BiH, Senad Oprašić iz Ministarstva vanjske trgovine i ekonomskih odnosa BiH i Hajrija Dautović iz Ministarstva civilnih poslova BiH.

Zapisnik je vodio Miroslav Stanišić, stručni saradnik u Komisiji za vanjske poslove.

Članovi Komisije su na početku, na prijedlog Azre Alajbegović, usvojili zaključak da razmatranje informacije Ministarstva vanjskih poslova BiH o stanju i razvoju DKP mreže Bosne i Hercegovine odgode za 24.7.2009. prije održavanja zajedničke sjednice oba doma, s pozivom ministru vanjskih poslova BiH da prisustvuje sjednici Komisije za vanjske poslove.

Nakon toga, jednoglasno je usvojen sljedeći

DNEVNI RED

1. Usvajanje zapisnika 47. i 48. sjednice Komisije;
2. Davanje mišljenja o saglasnosti za ratificiranje:
 - a) Dodatnog protokola Evropske konvencije o uzajamnoj pomoći u krivičnim stvarima (ETS No.99) – *Strazbur, 17. marta 1978.* (resorno ministarstvo: Ministarstvo pravde BiH);
 - b) Sporazuma o uspostavljanju Regionalne škole za javnu upravu (ReSPA) (resorno ministarstvo: Ministarstvo pravde BiH);
 - c) Konvencije o procjeni okolišnih uticaja u prekograničnom kontekstu – *Espoo (Finska), 25.2.1991.* (resorno ministarstvo: Ministarstvo vanjske trgovine i ekonomskih odnosa BiH);
 - d) Preporuke koja se tiče radnog odnosa br. 198 iz 2006. godine Međunarodne organizacije rada (resorno ministarstvo: Ministarstvo civilnih poslova BiH);
 - e) Konvencije o sprečavanju većih industrijskih nezgoda br. 174 iz 1993. godine i Preporuke o sprečavanju većih industrijskih nezgoda br. 181 iz 1993. godine

Međunarodne organizacije rada (resorno ministarstvo: Ministarstvo civilnih poslova BiH);

- f) Preporuke o promoviranju zadruga br. 193 iz 2002. godine Međunarodne organizacije rada (resorno ministarstvo: Ministarstvo civilnih poslova BiH);
- g) Preporuke o razvoju ljudskih potencijala, obrazovanju, osposobljavanju i stalnom usavršavanju br. 195 iz 2004. godine Međunarodne organizacije rada (resorno ministarstvo: Ministarstvo civilnih poslova BiH);
- h) Preporuke o otvaranju radnih mjesta u malim i srednjim preduzećima br. 189 iz 1998. godine Međunarodne organizacije rada (resorno ministarstvo: Ministarstvo civilnih poslova BiH);
- i) Preporuke koja se odnosi na listu profesionalnih oboljenja br. 194 iz 2002. godine Međunarodne organizacije rada (resorno ministarstvo: Ministarstvo civilnih poslova BiH);

3. Izvještaji i materijali pristigli Komisiji:

- Posjeta Olija Rehna, 23. i 24. juli, Sarajevo (materijal MVP-a, za informaciju);
- Rezultati izbora za Parlament Evropske unije – 2009. godine (materijal MVP-a, za informaciju);

Ad. 1. Usvajanje zapisnika 47. i 48. sjednice Komisije

Nije bilo primjedbi te su članovi Komisije jednoglasno usvojili zapisnike 47. i 48. sjednice Komisije za vanjske poslove.

Ad. 2. a) Davanje mišljenja o saglasnosti za ratificiranje Dodatnog protokola Evropske konvencije o uzajamnoj pomoći u krivičnim stvarima (ETS No.99) – *Strazbur, 17. marta 1978.*

Emir Mehmedović iz Ministarstva pravde BiH kazao je da je Bosna i Hercegovina kao članica Vijeća Evrope istovremeno potpisnica Evropske konvencije o pravnoj pomoći u krivičnim stvarima i Dodatnog protokola uz tu konvenciju. Dodatni protokol tiče se olakšavanja primjene Evropske konvencije o uzajamnoj sudskoj pomoći u krivičnim stvarima u oblasti fiskalnih djela i on znači proširenje Evropske konvencije o uzajamnoj pomoći u krivičnim stvarima.

Nije bilo rasprave te su članovi Komisije jednoglasno dali pozitivno mišljenje Predstavničkom domu u vezi s ratifikacijom ovog dodatnog protokola.

Ad. 2. b) Davanje mišljenja o saglasnosti za ratificiranje Sporazuma o uspostavljanju Regionalne škole za javnu upravu (ReSPA)

Emir Mehmedović je u vezi s ovim sporazumom kazao da je osnovni cilj Regionalne škole za javnu upravu, koja je osnovana pod pokroviteljstvom Evropske komisije, da unaprijedi kvalitet rada državnih službenika. Projekat je finansijski podržala Evropska komisija, a troškovi koje ima Bosna i Hercegovina od 217 hiljada eura namijenjeni su za smještaj i boravak državnih službenika koji budu išli na te obuke.

Nije bilo rasprave te su članovi Komisije jednoglasno dali pozitivno mišljenje Predstavničkom domu u vezi s ratifikacijom ovog sporazuma.

Ad. 2. c) Davanje mišljenja o saglasnosti za ratificiranje Konvencije o procjeni okolišnih uticaja u prekograničnom kontekstu – *Espoo (Finska), 25.2.1991.*

Senad Oprašić iz Ministarstva vanjske trgovine i ekonomskih odnosa BiH kazao je da je cilj Konvencije da spriječi, smanji i ograniči nepovoljne prekogranične okolišne uticaje. Sprečavanje znači da se unaprijed u pripremnoj fazi predloženog projekta razmotri mogući nepovoljan uticaj i da

mogućnost svim stranama da učestvuju u donošenju odluka prilikom puštanja u rad određenih instalacija koje mogu izazvati negativan uticaj u prekograničnom kontekstu. Ovo je jedna od aktivnosti koja Bosnu i Hercegovinu približava Evropskoj uniji, a ostalo je još nekoliko konvencija koje BiH treba u narednom periodu ratificirati i onda ćemo imati zaokruženu cjelinu što se tiče okoliša.

Nije bilo rasprave te su članovi Komisije jednoglasno dali pozitivno mišljenje Predstavničkom domu u vezi s ratifikacijom ove konvencije.

Ad. 2. d) Davanje mišljenja o saglasnosti za ratificiranje Preporuke koja se tiče radnog odnosa br. 198 iz 2006. godine Međunarodne organizacije rada

Ad. 2. e) Davanje mišljenja o saglasnosti za ratificiranje Konvencije o sprečavanju većih industrijskih nezgoda br. 174 iz 1993. godine i Preporuke o sprečavanju većih industrijskih nezgoda br. 181 iz 1993. godine Međunarodne organizacije rada

Ad. 2. f) Davanje mišljenja o saglasnosti za ratificiranje Preporuke o promoviranju zadruga br. 193 iz 2002. godine Međunarodne organizacije rada

Ad. 2. g) Davanje mišljenja o saglasnosti za ratificiranje Preporuke o razvoju ljudskih potencijala, obrazovanju, osposobljavanju i stalnom usavršavanju br. 195 iz 2004. godine Međunarodne organizacije rada

Ad. 2. h) Davanje mišljenja o saglasnosti za ratificiranje Preporuke o otvaranju radnih mjesta u malim i srednjim preduzećima br. 189 iz 1998. godine Međunarodne organizacije rada

Ad. 2. i) Davanje mišljenja o saglasnosti za ratificiranje Preporuke koja se odnosi na listu profesionalnih oboljenja br. 194 iz 2002. godine Međunarodne organizacije rada

Hajrija Dautović iz Ministarstva civilnih poslova BiH je za sve preporuke i Konvenciju kazala da se sve one odnose na rad, zapošljavanje i poboljšanje uslova u radu i zapošljavanju. Ona je kazala da Ministarstvo civilnih poslova BiH dobiva izvještaje od entitetskih ministarstava i da je dužno jednom godišnje pisati izvještaj Međunarodnoj organizaciji rada o tome šta se uradilo na provođenju ovih preporuka i konvencija.

Nije bilo rasprave te su članovi Komisije jednoglasno dali pozitivno mišljenje Predstavničkom domu u vezi s ratifikacijom ovih preporuka i Konvencije.

Ad. 3. Izvještaji i materijali pristigli Komisiji:

- Posjeta Olija Rehna, 23. i 24. juli, Sarajevo (materijal MVP-a, za informaciju);
- Rezultati izbora za Parlament Evropske unije – 2009. godine (materijal MVP-a, za informaciju);

Članovi Komisije primili su k znanju izvještaje pristigle Komisiji.

Slavko Matić obavijestio je članove Komisije da se od naredne sjednice materijali pristigli Komisiji neće stavljati na dnevni red kao posebna tačka već će uz dnevni red biti u napomeni da su u međuvremenu dostavljeni materijali informativnog karaktera koji se mogu kandidirati kao posebna tačka ako neko to zatraži.

Slavko Matić se na kraju zahvalio članovima Komisije i zaključio sjednicu.

Sjednica je završena u 10 sati.

Zapisnik sastavio:

Miroslav Stanišić, stručni saradnik u Komisiji za vanjske poslove.

Sekratar Komisije

Merđžana Iglica

Predsjedavajući Komisije

Slavko Matić

Kopija: MVP-u BiH